

Sier Hironimo Trivixan, fo ai dieci savii, qu. sier Domenego	14.16
Sier Marco Foscarei, fo camerlengo di com- mun, qu. sier Zuanne, qu. sier Marco procurator	17.10
Sier Homobon Gritti, fo patron a l'Arse- nal, qu. sier Batista	18.10
† Sier Mathio Vituri, fo provedador sora la sanità, qu. sier Bortolamio, qu. sier Matio procurator	23. 7
— Sier Andrea Barbarigo, fo patron a l'Ar- senal, qu. sier Nicolò	20. 9
Sier Domenego Loredan, fo di la zonta, qu. sier Domenego	14.15

Rebalotadi questi tre:

Sier Andrea di Prioli, fo patron a l'Ar- senal, qu. sier Marco	18.10
† Sier Nicolò Vendramin, è di Pregadi, qu. sier Polo, qu. Serenissimo	19.11
† Sier Andrea Barbarigo, fo patron a l'Ar- senal, qu. sier Nicolò	21. 8

115 *A dì 10.* Vene il signor Renzo capitano di le fantarie in Colegio con li Capi di X, per certa trama si trata intervenendo una pratica è in Gradisca, qual fo terminato di tuorla, et scritto a Treviso fazi venir li fanti qui, e trovato quello accade, sicome piu diffuse di sotto.

Di Udene, di sier Leonardo Emo luogotenente. Come era venuto da lui boemi cavali numero 36, qual erano in li aceptati, et datoli soldo, e dicono verano di altri.

Di Padoa, dil provedador zeneral Contarini. Come à aviso di Mercurio Bua, come etiam nel campo di spagnoli si dicea di la cossa di Zenoa, et che Milan era sotto sopra.

Nota. L' orator di Ferrara, l' altro eri, fo in Colegio e mostrò letere dil suo signor, havia auto uno aviso erano intrate in Zenoa galie 12 di Preian capitano dil re di Franza, et col favor di chi domina fato voltar quella terra a la soa devotion. *Tamen* non fu vera, perchè poi non reusite.

Da poi disnar, fo Consejo di X con la zonta comandata, ma non si reduce al numero. Voleano scriver a Roma et in Franza et non scrisseno; et poi licentiata la zonta, restò Consejo di X simplice su' processi a lezer alcuni processi di prexonieri; steleno poco et veneno zoso.

Di Treviso, fo letere di sier Giacomo Trivi-

xan podestà e capitano, di ozi. Come eri, a hore 22, zonse li il signor capitano zeneral; li andò contra etc. Qual intrato, volse atorno veder la fabrica; lauda, et comandò fusse continuata; et hesendo a la porta di San Thomaso, vide alcune carete, quale andavano in terra todesca con mercadantie; e volendo saper qual mercadantie fusse, li fo dito solfere, *unde* li dispiaque molto e li commise scrivesse a la Signoria non si lasasse trazer tal cosse, perchè ritornano in danno dil Stado. El qual capitano dormite questa note li; ozi è partito per Padoa.

A dì 11. Vene in Colegio l' orator di Ferrara et mostrò letere dil Duch. Come il conte Guido Rangon, qual è in Modena soldato dil Papa, essendo stà per avanti posto li a saco la caja dil conte Girardo Rangon suo, parte contraria, qual è richissimo, el qual volendo vendicarsi, adunato certa zente, si tirò in castello; *unde* ditto conte Guido con zerca 5000 persone e artelarie andò atorno et volevalo aver ne le man, e lui vedendo non poter difendersi, fuzite via con alcuni fanti et scampò a Carpi. *Item*, la cosa di Zenoa par sia quietada; et li sguzari venivano verso Zenoa, erano pagati per zenoesi, ma non vanno più oltra; et quella terra non farà altra mutatione, et par habino mandato obstasi a Milan, che non' si acorderà el Doxe presente con Franza. *Item*, dize, di Roma, speravano di di in di giogese a Ferrara il bon adattamento suo con la Beatitudine Pontificia.

In questa matina, il capitano di le fantarie parti per Padoa, dove si farà la monstra di fanti e se li darà danari.

Di Padou, di rectori e provedador zeneral, di eri sera. Come eri zonse li il capitano zeneral stato a Treviso. De i nimici, hanno è per levarsi, e in campo suo parlano di la motion di Zenoa per Franza, e di brieve si dieno essi spagnoli levar. Li cavali sono ancora a l' Erba etc.

Veneno in Colegio do chiozoti, dicendo, do soe marzilianie veniano qui di Puia, carge di . . . , in le aque de . . . da una fusta di turchi erano stà prese. *Unde* fo scritto a Corfù al baylo mandi a dolersi di questo al sanzacho di la Vallona e vedi di aver la restitution, et fato altre provision per recuperarle.

Fo fato in Colegio scurtinio di tre a veder le raxon e conti di hebrei, justa la parte, et questo è il scurtinio: